

RREGULLORE NR.2000/55
UNMIK/REG/2000/55
6 tetor 2000

**PËR NDRYSHIMIN E RREGULLORES SË UNMIK-UT NR. 1999/3 MBI
THEMELIMIN E DOGANËS DHE SHËRBIMEVE TË TJERA LIDHUR ME TË NË
KOSOVË**

Përfaqësuesi Special i Sekretarit të Përgjithshëm,

Në përputhje me autorizimin që i është dhënë me Rezolutën 1244(1999) të Këshillit të Sigurimit të Kombeve të Bashkuara të datës 10 qershor 1999,

Duke marrë parasysh Rregulloren nr. 1999/1, të ndryshuar, të Misionit të Administratës së Përkohshme të Kombeve të Bashkuara në Kosovë (UNMIK) të datës 25 korrik 1999, mbi autorizimet e Administratës së Përkohshme në Kosovë,

Me shpalljen e Rregulloreve të UNMIK-ut nr. 1999/3 për themelimin e Doganës dhe të Shërbimeve të tjera përkatëse në Kosovë të datës 31 gusht 1999,

Meqë neni 1.1. i Rregulloreve të UNMIK-ut nr. 1999/3 parasheh që të gjitha mallrat e çdo lloji që i destinohen vetëm Kosovës i nënshtrohen tarifës doganore prej dhjetë për qind (10%) për një periudhë të përkohshme, me përjashtim të mallrave të paraqitura në Aneksin I.

Me qëllim të ndryshimit të Aneksit I të Rregulloreve të UNMIK-ut nr. 1999/3,

Shpall sa vijon:

Neni 1
NDRYSHIMI

Aneksi I i Rregulloreve të UNMIK-ut nr. 1999/3 zëvendësohet me Aneksin I të kësaj Rregulloreje.

Neni 2
HYRJA NË FUQI

Kjo Rregullore hyn në fuqi me 6 tetor 2000.

Bernard Kouchner
Përfaqësuesi Special i Sekretarit të Përgjithshëm

Aneksi I – Regjistri i mallrave të liruara nga dogana
Exporti
Qumështi*
Vajrat e ushqimit dhe yndyrërat*
Perimet**
Pemët**
Mielli i grurit**
Prodhimet farmaceutike
Instrumentet dhe aparaturat medicinale dhe kirurgjike
Pullat postare dhe letrat me vlerë të klasifikuara në kapitullin 4907 të Tarifës së harmonizuar të doganës
Plehrat bujqësore të klasifikuara në kapitullin 31 të Tarifës së harmonizuar të doganës
Mallrat e importuara nga UNMIK-u, KFOR-i, UNHCR-i, ICRC, Kryqi i Kuq dhe Shoqatat e Gjysmëhënës së Kuqe, si dhe OJQ-të e regjistruara te UNMIK-u me status të beneficuar publik.
Mallrat e importuara nga misionet e huaja diplomatike dhe konsulare për përdorimin e tyre zyrtar
Mallrat e financuara nga shumat e donacioneve dhënë UNMIK-ut nga qeveritë, agjencitë qeveritare, organizatat qeveritare dhe joqeveritare për ndihmë programeve humanitare e rindërtimore dhe projekteve në Kosovë

* Ky përjashtim pushon së zbatuari më 27.10. 2000.

** Ky përjashtim pushon së zbatuari më 1. 6. 2001.